

この会の目的は、馬超伝を骨格に、馬氏に関する史料を読み、もろもろの執筆意欲を盛りあげること。

一節は、一九二年、馬騰の李傕への反乱。李傕郭汜伝と、劉焉伝で多面的におぎなう。二節は、二〇〇年、『三国演義』より、曹操暗殺の計画。『資治通鑑』で、同時期の史書の記述を確認。この歳は、孫策の没年にあたるため、揚州の情勢を付した。三節、四節は、馬超伝を読み進め、曹操の関中経営と、その失敗をたどる。五節は、馬岱が参加した諸葛亮の北伐。六節と七節は、馬岱が当事者となった、魏延と楊儀の抗争について。以上、七節。

### 一 馬超伝より、馬騰が李傕にそむく

馬超字孟起、右扶風茂陵人也。父騰、靈帝末 與邊章、韓遂等俱起事 於西州。

◀典略曰…騰字壽成、馬援後也。桓帝時、其父字子碩、嘗為天水蘭幹尉。後失官、因留隴西、與羌錯居。家貧無妻、遂娶羌女、生騰。騰少貧無產業、常從彰山中斫材木、負販詣城市、以自供給。

靈帝末、涼州刺史耿鄙 任信奸吏、民王國等及氏、羌反叛。州郡募發 民中有勇力者、欲討之、騰在募中。州郡異之、署為軍從事、典領部衆。討賊有功、拜軍司馬、後以功 遷偏將軍、又遷征西將軍、常屯汧隴之間。

初平二年、遂、騰率衆詣長安。漢朝以遂為鎮西將軍、遣還金城、騰為征西將軍、遣屯郿。後騰襲長安、敗走、退還涼州。

◀典略曰…初平中、拜征東將軍。會三輔亂、不復來東、而與鎮西將軍韓遂 結為異姓兄弟、始甚相親、後轉以部曲 相侵入、更為讎敵。騰攻遂、遂走、合衆還攻騰、殺騰妻子、連兵不解。

◀『三国志』李傕郭汜伝…葬卓於郿、大風暴雨震卓墓、水流入藏、漂其棺槨。傕為車騎將軍、池陽侯、領司隸校尉、假節。汜為後將軍、美陽侯。稠為右將軍、萬年侯。

傕、汜、稠擅朝政。濟為驃騎將軍、平陽侯、屯弘農。是歲、韓遂、馬騰等降、率衆詣長安。以遂為鎮西將軍、遣還涼州、騰征西將軍、屯郿。侍中馬宇 與諫議大夫種邵、左中郎將劉範等謀、

欲使騰襲長安、己為內應、以誅傕等。騰引兵至長平觀、宇等謀泄、出奔槐裏。稠擊騰、騰敗走、還涼州。又攻槐裏、宇等皆死。時三輔民尚數十萬戶、傕等放兵劫略、攻剽城邑、人民饑困、二年間相啖食略盡。

時三輔民尚數十萬戶、傕等放兵劫略、攻剽城邑、人民饑困、二年間相啖食略盡。

◀『三国志』劉焉伝…時焉子范為左中郎將、誕治書御史、璋為奉車都尉、皆從獻帝在長安、

時征西將軍馬騰屯郿而反、焉及範與騰通謀、引兵襲長安。範謀泄、奔槐裏、騰敗、退還涼州、范應時見殺於是收誕行刑。議郎河南龐羲與焉通家、乃募將焉諸孫入蜀。時焉被天火燒城、車具蕩盡、延及民家。

焉徙治成都、既痛其子、又感祆災、興平元年、癰疽發背而卒。州大吏趙韙等貪璋溫仁、共上璋為益州刺史詔書因以為監軍使者、領益州牧、以韙為征東中郎將、率衆擊劉表。

## 二 『三國演義』より、馬騰の曹操暗殺

▲『三國演義』二〇回…忽報西涼太守馬騰相探。董承曰、『只推我病、不能接見。』門吏回報。騰大怒曰、『我夜來在東華門外、親見他錦袍玉帶而出、何故推病耶。吾非無事而來、奈何拒我。』

▲『三國演義』二二回…董承等問馬騰曰、『公欲用何人。』馬騰曰、『見有豫州牧劉玄德在此、何不求之』承曰、『此人雖係皇叔、今正依附曹操、安肯行此事耶。』騰曰、『吾觀前日圍場之中、曹操迎受衆賀之時、雲長在玄德背後、挺刀欲殺操、玄德以目視之而止。玄德非不欲圖操、恨操牙爪多、恐力不及耳。公試求之、當必應允。』(中略)董承取衣帶詔令觀之。玄德不勝悲憤。又將義狀出示、上止有六位。一、車騎將軍董承。二、工部侍郎王子服。三、長水校尉種輯。四、議郎吳碩。五、昭信將軍吳子蘭。六、西涼太守馬騰。玄德曰、『公既奉詔討賊、備敢不效犬馬之勞。』承拜謝、便請書名。玄德亦書、「左將軍劉備」、押了字、付承收訖。共議到五更、相別去了。(中略)却說馬騰見玄德已去、邊報又急、亦回西涼州去了。

### 曹操暗殺に關連する史料

▲『資治通鑑』建安四年曰…袁術既稱帝、淫侈滋甚、媵御數百、無不兼羅紈、厭梁肉、自下饑困、莫之收恤。既而資實空盡、不能自立、乃燒宮室、奔其部曲陳簡、雷薄於灑山、復為簡等所拒、遂大窮、士卒散走、憂慙不知所為。乃遣使歸帝號於從兄紹曰…「祿去漢室久矣。袁氏受命當王、符瑞炳然。今君擁有四州、人戶百萬、謹歸大命、君其興之。」袁譚自青州迎術、欲從下邳北過。曹操遣劉備及將軍清河硃靈邀之、術不得過、復走壽春。六月、至江亭、坐簣床而歎曰…「袁術乃至是乎。」因憤慨結病、歐血死。

術從弟胤畏曹操、不敢居壽春、率其部曲奉術柩及妻子、奔廬江太守劉勳於皖城。

故廣陵太守徐璆得傳國璽、獻之。(中略)

初、車騎將軍董承稱受帝衣帶中密詔、與劉備謀誅曹操。操從容謂備曰…

「今天下英雄、惟使君與操耳、本初之徒、不足數也。」備方食、失匕箸、值天雷震、備因曰…

「聖人雲…『迅雷風烈必變』、良有以也。」遂與承及長水校尉種輯、將軍吳子蘭、王服等同謀。

會操遣備與硃靈邀袁術、程昱、郭嘉、董昭皆諫曰…「備不可遣也。」操悔、追之、不及。術既南走、硃靈等還。

備遂殺徐州刺史車胄、留關羽守下邳、行太守事、身還小沛。東海賊昌豨及郡縣多叛操為備。

備衆數萬人、遣使與袁紹連兵。操遣司空長史沛國劉岱、中郎將扶風王忠擊之、不克。

備謂岱等曰…「使汝百人來、無如我何。曹公自來、未可知耳。」

▲『資治通鑑』建安五年曰…春、正月、董承謀洩。壬子、曹操殺承及王服、種輯、皆夷三族。操欲自討劉備、諸將皆曰…「與公爭天下者、袁紹也、今紹方來而棄之東、紹乘人後、若何。」操曰…「劉備、人傑也、今不擊、必為後患。」郭嘉曰…「紹性遲而多疑、來必不速。備新起、衆心未附、急擊之、必敗。」操師遂東。(中略)

曹操擊劉備、破之、獲其妻子。進拔下邳、禽關羽。又擊昌豨、破之。備奔青州、因袁譚以歸袁紹。紹聞備至、去鄴二百裡迎之、駐月餘、所亡士卒稍稍歸之。

△『資治通鑑』の同年の記事で、孫呉に関するものを載せる。おまけ。

廣陵太守陳登治射陽、孫策西擊黃祖、登誘嚴白虎餘黨、圖為後害、策還擊登、軍到丹徒、須待運糧。初、策殺吳郡太守許貢、貢奴客潛民間、欲為貢報仇。策性好獵、數出驅馳、所乘馬精駿、從騎絕不能及、卒遇貢客三人、射策中頰、後騎尋至、皆刺殺之。策創甚、召張昭等謂曰…「中國方亂、以吳、越之衆、三江之固、足以觀成敗、公等善相吾弟。」呼權、佩以印綬、謂曰…「舉江東之衆、決機於兩陳之間、與天下爭衡、卿不如我。舉賢任能、各盡其心以保江東、我不如卿。」丙年、策卒、時年二十六。權悲號、未視事、張昭曰…「孝廉、此寧哭時邪。」乃改易權服、扶令上馬、使出巡軍。昭率僚屬、上表朝廷、下移屬城、中外將校、各令奉職、周瑜自巴丘將兵赴喪、遂留吳、以中護軍與張昭共掌衆事。時策雖有會稽、吳郡、丹楊、豫章、廬江、廬陵、然深險之地、猶未盡從、流寓之士、皆以安危去就為意、未有君臣之固、而張昭、周瑜等謂權可與共成大業、遂委心而服事焉。（中略）

△冬、十月、辛亥、有星孛於大梁。

廬江太守李術攻殺揚州刺史嚴象、廬江梅乾、雷緒、陳蘭等各聚衆數萬在江淮間。曹操表沛國劉馥為揚州刺史。時揚州獨有九江、馥單馬造合肥空城、建立州治、招懷乾、緒等、皆貢獻相繼。數年中、恩化大行、流民歸者以萬數。於是廣屯田、興陂堰。官民有畜、乃聚諸生、立學校。又高為城壘、多積木石、以修戰守之備。曹操聞孫策死、欲因喪伐之。侍御史張紘諫曰…「乘人之喪、既非古義、若其不克、成仇棄好、不如因而厚之。」操即表權為討虜將軍、領會稽太守。操欲令紘輔權內附、及以紘為會稽東部都尉。紘至吳、太夫人以權年少、委紘與張昭共輔之。紘惟補察、知無不為。太夫人問揚武都尉會稽董襲曰…「江東可保不。」

襲曰…「江東有山川之固、而討逆明府恩德在民、討虜承基、大小用命、張昭秉衆事、襲等為爪牙、

此地人和之時也、萬無所憂。」權遣張紘之部、或以紘本受北任、嫌其志趣不止於此、權不以介意。

△魯肅將北還、周瑜止之、因薦肅於權曰…「肅才宜佐時、當廣求其比以成功業。」權即見肅、與語、悅之。賓退、獨引肅合榻對飲、曰…「今漢室傾危、孤思有桓、文之功、君何以佐之。」

肅曰…「昔高帝欲尊事義帝而不獲者、以項羽為害也。今之曹操、猶昔項羽、將軍何由得為桓、文乎。肅竊料之、漢室不可復興、曹操不可卒除、為將軍計、惟有保守江東以觀天下之變耳。若因北方多務、剿除黃祖、進伐劉表、竟長江所極、據而有之、此王業也。」權曰…「今盡力一方、冀以輔漢耳、此言非所及也。」張昭毀肅年少粗疏、權益貴重之、賞賜儲侍、富擬其舊。

△權料諸小將兵少而用薄者、併合之。別部司馬汝南呂蒙、軍容鮮整、士卒練習。權大悅、增其兵、寵任之。功曹駱統勸權尊賢接士、勤求損益、饗賜之日、人人別進、問其燥濕、加以密意、誘諭使言、察其志趣。權納用焉。統、俊之子也。廬陵太守孫輔恐權不能保江東、陰遣人口書呼曹操。行人以告、權悉斬輔親近、分其部曲、徙輔置東。曹操表徵華歆為議郎、參司空軍事。廬江太守李術不肯事權、而多納其亡叛。權以狀白曹操曰…「嚴刺史昔為公所用、而李術害之、肆其無道、宜速誅滅。今術必復詭說求救。明公居阿衡之任、海內所瞻、願敕執事、勿復聽受。」因舉兵攻術於皖城。術求救於操、操不救。

遂屠其城、梟術首。徙其部曲二萬餘人。

◁劉表攻張羨、連年不下。曹操方與袁紹相拒、未暇救之。羨病死、長沙復立其子懌。表攻懌及零、桂、皆平之。於是表地方數千里、帶甲十餘萬、遂不供職貢、郊祀天地、居處服用、僭擬乘輿焉。

### 三 馬超伝より、曹操の関中経営

司隸校尉鍾繇鎮關中、移書遂、騰、為陳禍福。騰遣超隨繇討郭援、高幹於平陽、超將龐德親斬援首。後騰與韓遂不和、求還京畿。於是徵為衛尉、以超為偏將軍、封都亭侯、領騰部曲。

◀典略曰…建安之初、使司隸校尉鍾繇、涼州牧韋端和解之。徵騰還屯槐裏、轉拜為前將軍、假節、封槐裏侯。北備胡寇、東備白騎、待士進賢、矜救民命、三輔甚安愛之。十五年、徵為衛尉、騰自見年老、遂入宿衛。初、曹公為丞相、辟騰長子超、不就。超後為司隸校尉督軍從事、討郭援、為飛矢所中、乃以囊囊其足而戰、破斬援首。詔拜徐州刺史、後拜諫議大夫。及騰之入、因詔拜為偏將軍、使領騰營。

又拜超弟休奉車都尉、休弟鐵騎都尉、徙其家屬皆詣鄴、惟超獨留。

◀『三国志』鍾繇伝…時關中諸將馬騰、韓遂等、各擁強兵相與爭。太祖方有事山東、以關右為憂。乃表繇以侍中守司隸校尉、持節督關中諸軍、委之以後事、特使不拘科制。繇至長安、移書騰、遂等、為陳禍福、騰、遂各遣子入侍。太祖在官渡、與袁紹相持、繇送馬二千餘匹給軍。太祖與繇書曰…

「得所送馬、甚應其急。關右平定、朝廷無西顧之憂、足下之勳也。昔蕭何鎮守關中、足食成軍、亦適當爾。」其後匈奴單于作亂平陽、繇帥諸軍圍之、未拔。而袁尚所置河東太守郭援到河東、衆甚盛。諸將議欲釋之去、繇曰…「袁氏方強、援之來、關中陰與之通、所以未悉叛者、顧吾威名故耳。若棄而去、示之以弱、所在之民、誰非寇讎。縱吾欲歸、其得至乎。此為未戰先自敗也。且援剛愎好勝、必易吾軍、若渡汾為營、及其未濟擊之、可大克也。」張既說馬騰會擊援、騰遣子超將精兵逆之。援至、果輕渡汾、衆止之、不從。

濟水未半、擊、大破之、斬援、降單于。語在既傳。其後河東衛固作亂、與張晟、張琰及高幹等並為寇、繇又率諸將討破之。自天子西遷、洛陽人民單盡、繇徙關中民、又招納亡叛以充之、數年間民戶稍實。太祖征關中、得以為資、表繇為前軍師。

### 四 馬超伝より、馬岱の從兄・馬超

超既統衆、遂與韓遂合從、及楊秋、李堪、成宜等相結、進軍至潼關。曹公與遂、超單馬會語、超負其多力、陰欲突前捉曹公、曹公左右將許褚瞋目盼之、超乃不敢動。曹公用賈詡謀、離間超、遂、更相猜疑、軍以大敗。

◀山陽公載記曰…初、曹公軍在蒲阪、欲西渡、超謂韓遂曰…「宜於渭北拒之、不過二十日、河東穀盡、

彼必走矣。」遂曰…「可聽令渡、蹙於河中、顧不快耶。」超計不得施。曹公聞之曰…「馬兒不死、吾無葬地也。」

超走保諸戎、曹公追至安定、會北方有事、引軍東還。楊阜說曹公曰…「超有信、布之勇、甚得羌、胡心。

若大軍還、不嚴為其備、隴上諸郡非國家之有也。」



超果率諸戎以擊隴上郡縣、隴上郡縣皆應之、殺涼州刺史韋康、據冀城、有其衆。超自稱征西將軍、領並州牧、督涼州軍事。康故吏民楊阜、姜敘、梁寬、趙衢等、合謀擊超。阜、敘起於鹵城、超出攻之、不能下。寬、衢閉冀城門、超不得入。進退狼狽、乃奔漢中依張魯。魯不足與計事、內懷於邑、聞先主圍劉璋於成都、密書請降。

◀典略曰：建安十六年、超與關中諸將侯選、程銀、李堪、張橫、梁興、成宜、馬玩、楊秋、韓遂等、凡十部、俱反、其衆十萬、同據河、潼、建列營陳。是歲、曹公西征、與超等戰於河、渭之交、超等敗走。

超至安定、遂奔涼州。詔收滅超家屬。超復敗於隴上。後奔漢中、張魯以為都講祭酒、欲妻之以女、或諫魯曰：「有人若此不愛其親、焉能愛人。」魯乃止。

初、超未反時、其小婦弟董種留三輔、及超敗、種先入漢中。正旦、種上壽於超、超搥胸吐血曰：

「鬪門百口、一旦同命、今二人相賀邪。」後數從魯求兵、欲北取涼州、魯遣往、無利。

又魯將楊白等欲害其能、超遂從武都逃入氐中、轉奔往蜀。是歲建安十九年也。

先主遣人迎超、超將兵徑到城下。城中震怖、璋即稽首、

◀典略曰：備聞超至、喜曰：「我得益州矣。」乃使人止超、而潛以兵資之。超至未一旬而成都潰。以超為平西將軍、督臨沮、因為前都亭侯。

◀山陽公載記曰：超因見備待之厚、與備言、常呼備字、關羽怒、請殺之。臣松之按、穢雜虛謬。先主為漢中王、拜超為左將軍、假節。章武元年、遷驃騎將軍、領涼州牧、進封黎鄉侯。

二年卒、時年四十七。臨沒上疏曰：「臣門宗二百餘口、為孟德所誅略盡、惟有從弟岱、當為微宗血食之繼、深託陛下、餘無複言。」追諡超曰威侯、子承嗣。岱位至平北將軍、進爵陳倉侯。超女配安平王理。

◀典略曰：初超之入蜀、其庶妻董及子秋、留依張魯。魯敗、曹公得之、以董賜閭圃、以秋付魯、魯自手殺之。

## 五 諸葛亮、最期の北伐（後主伝、諸葛亮伝、『晋書』宣帝紀）

### （1）『三国志』後主伝

建興十二年春二月、亮由斜谷出、始以流馬運。秋八月、亮卒于渭濱。

征西大將軍魏延與丞相長史楊儀爭權不和、舉兵相攻、延敗走。斬延首、儀率諸軍還成都。大赦。

以左將軍吳壹為車騎將軍、假節督漢中。以丞相留府長史蔣琬為尚書令、總統國事。

十三年春正月、中軍師楊儀廢徙漢嘉郡。夏四月、進蔣琬位為大將軍。

### （2）『三国志』諸葛亮伝

十二年春、亮悉大衆由斜谷出、以流馬運、據武功五丈原、與司馬宣王對於渭南。亮每患糧不繼、使己志不申、是以分兵屯田、為久駐之基。耕者雜於渭濱居民之間、而百姓安堵、軍無私焉。

◀魏氏春秋曰：亮使至、問其寢食及其事之煩簡、不問戎事。使對曰：「諸葛公夙興夜寐、罰二十以上、皆親擘焉。所噉食不至數升。」宣王曰：「亮將死矣。」

相持百餘日。其年八月、亮疾病、卒于軍、時年五十四。

◀魏書曰：亮糧盡勢窮、憂恚歐血、一夕燒營遁走、入谷、道發病卒。臣松之以為亮在渭濱、魏人躡跡、勝負之形、未可測量、而云歐血、蓋因亮自亡而自誇大也。夫以孔明之略、豈仲達歐血乎。

亮遺命葬漢中定軍山、因山為墳、冢足容棺、斂以時服、不須器物。詔策曰：「今使使持節左中郎將杜瓊、贈君丞相武鄉侯印綬、謚君為忠武侯。魂而有靈、嘉茲寵榮。嗚呼哀哉。嗚呼哀哉。」

### (3) 『晉書』宣帝紀

青龍二年、亮又率衆十餘萬出斜谷、壘于郿之渭水南原。

因謂諸將曰：「亮若勇者、當出武功、依山而東。若西上五丈原、則諸軍無事矣。」亮果上原。

與之對壘百餘日、會亮病卒、諸將燒營遁走、百姓奔告、帝出兵追之。亮長史楊儀反旗鳴鼓、若將距帝者。

帝以窮寇不之逼、於是楊儀結陣而去。經日、乃行其營壘、觀其遺事、獲其圖書、糧穀甚衆。

帝審其必死、曰：「天下奇才也。」辛毗以為尚未可知。

帝曰：「軍家所重、軍書密計、兵馬糧穀、今皆棄之、豈有人捐其五藏而可以生乎。宜急追之。」關中多瘖、帝使軍士二千人著軟材平底木屐前行、瘖藜悉著屐、然後馬步俱進。追到赤岸、乃知亮死審問。

時百姓為之諺曰：「死諸葛走生仲達。」帝聞而笑曰：「吾便料生、不便料死故也。」

先是、亮使至、帝問曰：「諸葛公起居何如、食可幾米。」對曰：「三四升。」次問政事、

曰：「二十罰已上皆自省覽。」帝既而告人曰：「諸葛孔明其能久乎。」竟如其言。

亮部將楊儀、魏延爭權、儀斬延、并其衆。帝欲乘隙而進、有詔不許。

青龍三年、遷太尉、累增封邑。蜀將馬岱入寇、帝遣將軍牛金擊走之、斬千餘級。

武都氏王苻雙、強端帥其屬六千餘人來降。關東饑、帝運長安粟五百萬斛輸於京師。

## 六 馬岱が魏延を斬る（魏延伝）

建興十二年秋、亮病困、密與長史楊儀、司馬費禕、護軍姜維等作身歿之後退軍節度、令延斷後、薑維次之。

若延或不從命、軍便自發。亮適卒、秘不發喪、儀令禕往揣延意指。延曰：「丞相雖亡、吾自見在。府親官屬

便可將喪還葬、吾自當率諸軍擊賊、雲何以一人死廢天下之事邪。且魏延何人、當為楊儀所部勒、作斷後將乎」

因與禕共作行留部分、令禕手書與已連名、告下諸將。禕給延曰：「當為君還解楊長史、長史文吏、稀更軍事、

必不違命也。」禕出門馳馬而去、延尋悔、追之已不及矣。延遣人覘儀等、遂使欲案亮成規、諸營相次引軍還。

延大怒、才儀未發、率所領徑先南歸、所過燒絕閣道。延、儀各相表叛逆、一日之中、羽檄交至。後主以問侍中董允、留府長史蔣琬、琬、允鹹保儀疑延。儀等槎山通道、晝夜兼行、亦繼延後。

延先至、據南穀口、遣兵逆擊儀等、儀等令何平在前禦延。平叱延先登曰：「公亡、身尚未寒、汝輩何敢乃爾。」延士衆知曲在延、莫為用命、軍皆散。延獨與其子數人逃亡、奔漢中。儀遣馬岱追斬之、致首於儀、儀起自踏之、曰：「庸奴。復能作惡不」遂夷延三族。

初、蔣琬率宿衛諸營赴難北行、行數十裏、延死問至、乃旋。原延意不北降魏而南還者、但欲除殺儀等。平日諸將素不同、冀時論必當以代亮。本指如此。不便背叛。

▲魏略曰：諸葛亮病、謂延等雲：「我之死後、但謹自守、慎勿復來也。」令延攝行己事、密持喪去。

延遂匿之、行至褒口、乃發喪。亮長史楊儀宿與延不和、見延攝行軍事、懼為所害、乃張言延欲舉衆北附、遂率其衆攻延。延本無此心、不戰軍走、追而殺之。臣松之以為此蓋敵國傳聞之言、不得與本傳爭審。

## 七 馬岱を用いた楊儀（楊儀伝）

楊儀字威公、襄陽人也。建安中、為荊州刺史傅羣主簿、背羣而詣襄陽太守關羽。羽命為功曹、遣秦使西詣先主。

先主與語論軍國計策、政治得失、大悅之、因辟為左將軍兵曹掾。及先主為漢中王、拔儀為尚書。

先主稱尊號、東征吳、儀與尚書令劉巴不睦、左遷遙署弘農太守。

建興三年、丞相亮以為參軍、署府事、將南行。五年、隨亮漢中。八年、遷長史、加綏軍將軍。

亮數出軍、儀常規畫分部、籌度糧穀、不稽思慮、斯須便了。軍戎節度、取辦於儀。亮深惜儀之才幹、憑魏延之驍勇、常恨二人之不平、不忍有所偏廢也。

十二年、隨亮出屯谷口。亮卒于敵場。儀既領軍還、又誅討延、自以為功勳至大、宜當代亮秉政、

呼都尉趙正以周易筮之、卦得家人、默然不悅。而亮平生密指、以儀性狷狹、意在蔣琬、琬遂為尚書令、益州刺史。儀至、拜為中軍師、無所統領、從容而已。

初、儀為先主尚書、琬為尚書郎、後雖俱為丞相參軍長史、儀每從行、當其勞劇、自惟年宦先琬、才能踰之、於是怨憤形于聲色、歎吒之音發於五內。時人畏其言語不節、莫敢從也、惟後軍師費禕往慰省之。

儀對禕恨望、前後云云、又語禕曰：「往者丞相亡沒之際、吾若舉軍以就魏氏、處世寧當落度如此邪。令人追悔不可復及。」禕密表其言。

十三年、廢儀為民、徙漢嘉郡。儀至徙所、復上書誹謗、辭指激切、遂下郡收儀。儀自殺、其妻子還蜀。

（おしまい）